



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87 Ա

„ 23 „ նոյեմբերի.2021թ.

Ո Ր Ո Շ ՈՒ Մ No. 3255-Ա-1

Վարչական ակտն անվավեր ճանաչելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Արսեն Կարենի Սարգսյանի վերաբերյալ 19.11.2021թ-ին կայացված «Չկատարված հարկային պարտավորությունները գանձելու մասին» թիվ 3255-Ա որոշումը և վարչական վարույթի նյութերը.

Պ Ա Ր Զ Ե Ց Ի

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 37646/2021/ԿՈՒՎ4/Ա արձանագրության՝ ֆիզիկական անձ Արսեն Կարենի Սարգսյանի (ՀՎՀՀ՝ 37490407, ՀԾՀ՝ 3103930631, հասցե՝ ք.Երևան, Հյուսիսային պող. 8-12) չկատարված հարկային պարտավորությունը 07.09.2021 թվականի դրությամբ կազմել է 285.120 ՀՀ դրամ, որից հարկ՝ 270.000 ՀՀ դրամ, տույժ՝ 15.120 ՀՀ դրամ:

Հարկային պարտավորությունը առաջացել է ՀՀ ոստիկանության «Ճանապարհային ոստիկանություն» ծառայությունից ստացված շարժական գույքի և դրա նկատմամբ գրանցված իրավունքների վերաբերյալ տեղեկությունների հիման վրա, համաձայն որի ֆիզիկական անձ Արսեն Կարենի Սարգսյանի կողմից 22.10.2020 թվականին օտարվել է 04.05.2020 թվականին ձեռք բերված MERCEDES-BENZ S 63 AMG 4MATIC մոդելի 2015 թվականի արտադրության 585 ձիաուժ հզորությամբ տրանսպորտային միջոցը, որի պայմանագրային արժեքը կազմել է 27.000.000 ՀՀ դրամ:

Ֆիզիկական անձ Արսեն Կարենի Սարգսյանի կողմից իրականացված գործարքի մասով 2020 թվականի հարկային մարմին եկամտային հարկի և սոցիալական վճարի տարեկան հաշվարկը օրենքով սահմանված ժամկետում չներկայացնելու, ինչպես նաև հարկերը չվճարելու հետևանքով 19.11.2021թ. ՀՀ ՊԵԿ իրավաբանական վարչության պետի կողմից կայացվել է «Չկատարված հարկային պարտավորությունները գանձելու մասին» թիվ 3255-Ա որոշումը, համաձայն որի գանձման ենթակա օրենքով սահմանված ժամկետում չկատարված հարկային պարտավորությունը կազմել է 285.120 ՀՀ դրամ, որից հարկ՝ 270.000 ՀՀ դրամ, տույժ՝ 15.120 ՀՀ դրամ:

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ թիվ 3255-Ա որոշումը կայացնելուց առաջ՝ 17.11.2021թ-ին ֆիզիկական անձի կողմից ներկայացվել է եկամտային հարկի և սոցիալական վճարի տարեկան հաշվարկը, ուստի առկա են բավարար հիմքեր նշված որոշումն անվավեր ճանաչելու համար:

Ելնելով վերոգրյալից և ղեկավարվելով ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ 1-ին մասի „բ,, կետով և 65-րդ հոդվածով.

Ո Ր Ո Շ Ե Ց Ի

Ֆիզիկական անձ Արսեն Կարենի Սարգսյանի / ՀՎՀՀ՝ 26587397, ՀԾՀ՝ 2214830715/ վերաբերյալ 19.11.2021-ին կայացված «Չկատարված հարկային պարտավորությունները գանձելու մասին» թիվ 3255-Ա որոշումը ճանաչել անվավեր:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՅԱԿԱՆՅԱՆ

Կատ.' ԻՎ հարկադիր գանձման և
պարտավորությունների կատարման
ապահովման բաժնի
գլխավոր մասնագետ
Վ.Ավերիսյան,
Հեռ. 011.54-91-91/9148/